

白業如是應修

十六

官七

大寶積經卷第五十七

潰爛上胡對反臄音脛反脛胡定禽狩下獸魅眉二反

檣下音保梗反槩下上加猛反掉戲上徒反欬

嗽下音蘇反考上音誘誑上音咀嚼上音反

大寶積經卷第五十八

官八

大唐于闐三藏實又難陀譯

文殊師利授記會第十五之一

如是我聞一時佛在王舍城耆闍崛山與大比丘眾一千人俱菩薩八萬四千文殊師利菩薩觀世音菩薩得大勢菩薩而為上首復

與七十二億諸天眾俱悉皆趣向菩薩之道復與四天大王釋提桓因梵天王等及其眷屬各有五萬二千眾俱亦皆趣於菩薩之道有四阿脩羅王各與眷屬無量眾俱復與七萬二千大龍王俱其名曰難陀龍王優波難陀龍王婆留那龍王娑竭羅龍王持大地龍

王無熱惱龍王高勝龍王伏魔龍王寂勝龍王月上龍王如是等而為上首復與無量夜叉王俱其名曰金毗羅夜叉王阿吒薄拘夜叉王蘇支路摩夜叉王妙意夜叉王妙慧夜叉王妙相夜叉王普色夜叉王不動夜叉王有力夜叉王大力夜叉王如是等而為上首

時王舍城國王大臣及諸四眾天龍夜叉人非人等各以衣服飲食卧具醫藥種種資具於如來所恭敬尊重而為供養

於時世尊於晨朝時著衣持鉢與諸比丘及於天人百千之眾前後圍遶向王舍城阿闍世宮佛威神力放百千種妙色光明百千音樂同時俱奏兩眾妙華優鉢羅華鉢曇摩華拘勿頭華芬陀利華繽紛而下是時如來以神通力隨所行處涌出寶蓮大如車輪白銀為莖真金為葉毗琉璃寶以為其鬚於華臺中有化菩薩結加趺坐是諸菩薩與寶蓮俱遶王舍城右旋七匝而說頌曰

釋種應供大商主  
 具大威德寂靜心  
 若欲遠離老死苦  
 或有欲破諸魔軍  
 難得聞名今出現  
 以大悲心遊世間

利樂含識令安隱  
 為世依怙當入城  
 或樂遊戲於天宮  
 應近妙辯人中主  
 經百千劫修衆行  
 如是之尊當入城

曾行無量無邊捨  
 頭目耳鼻并手足  
 已修無量施功德  
 以施調心固其行  
 成就無量忍功德  
 俱脰劫行勝精進

男女妻室及王位  
 衣服飲食亦復然  
 證於無上一切智  
 戒淨無缺大丈夫  
 心恒恬怕當入城  
 念衆生苦忘疲倦

官八

二

具足無量無比禪  
 智慧無量無倫匹  
 寂勝人尊戒亦然  
 摧壞魔軍能濟拔  
 無等法王轉法輪  
 若欲成佛出興世

彼梵音者當入城  
 猶若虛空無邊際  
 備修衆行智清淨  
 得住無憂不動位  
 彼釋師子當入城  
 三十二相以莊嚴

應發無等菩提心  
 若欲求捨貪恚癡  
 速當親近釋師子  
 若欲逮成釋梵王  
 恒受天宮諸快樂  
 欲為四洲聖輪王

於如來所興供養  
 及以遠離諸煩惱  
 施作種種諸供養  
 各千眷屬常隨從  
 彼應親近釋師子  
 所願七寶皆成就

寂勝千子咸勇健  
 欲為長者邑中主  
 眷屬色相悉超倫  
 已得解脫及當得  
 難可值遇彼勝尊  
 介時王舍城中男女長幼無量衆生聞此頌

應當供養彼勝尊  
 資財增廣無有量  
 彼應供養釋師子  
 皆由聞佛寂靜法  
 應聽甘露無憂句

已即皆開悟各齎香華寶蓋幢幡無量音樂  
 詣如來所一心瞻仰踊躍歡喜恭敬供養於  
 是世尊將欲入城足踏門閭城中之地六種  
 震動兩衆妙華及諸音樂城中衆生盲者得  
 視聾者得聞狂者得心僕者得服飢者得食  
 貧者得財時彼衆生亦復不為貪欲瞋恚愚

官八

三

癡憍慢之所逼惱慈心相向猶如父子彼樂音中而說頌曰

十力大丈夫 寂勝人師子 利物入都城

群生獲安樂 盲瞽得見色 聾聵得聞聲

顛狂復本心 裸露蒙衣服 飢渴遇瓊膳

貧窶得資財 又於虛空中 諸天百千億

同為供養佛 競奏諸樂音 具德十力尊

今入此城內 城中六種動 所謂遍動等

衆生無怖想 皆獲大歡喜 而今此城中

一切諸衆生 不為貪恚癡 怪嫉之所惱

欣悅充遍身 慈念而相向 願佛速入城

安樂諸群品 世尊入城時 普放大光明

人天咸奏樂 悅暢於心意 如是諸奇特

種種無有量 天人阿脩羅 莫不皆瞻奉

時王舍城有菩薩長者之子名摧過咎於里

巷中遙觀世尊相好奇特端嚴澄眸諸根湛

寂觀者無厭住奢摩他家上調伏防護諸根

如善調象正念不亂如淨淵池三十二相莊

嚴其體彼菩薩既見是已生極尊重淨信之心便往佛所稽首雙足右遶三匝却住一面復有無量百千衆生同詣佛所無數諸天住虛空中合掌恭敬尊重頂禮  
亦時摧過咎菩薩白佛言世尊菩薩成就幾法速得阿耨多羅三藐三菩提隨其所願嚴

淨佛刹於是世尊為欲調伏諸衆生故為欲哀愍摧過咎故往詣塵肆於大衆中而告之言善男子菩薩成就一法速得阿耨多羅三藐三菩提隨其所願嚴淨佛刹善男子何謂一法此菩薩於一切衆生行大悲故以勝志樂發菩提心云何名為以勝志樂發菩提心

應作是說若有已發菩提心者乃至微惡終更不作何所不作謂貪瞋癡及以在家威儀調戲悉皆遠離若出家已不復希望名利恭敬安住出家所修行法云何出家所修行法謂如實悟入一切諸法云何所悟一切諸法謂蘊界處有為無為云何悟入謂觀察五蘊

官八

四

寂滅如幻空無所有如是悟時不見悟入無  
覺無思一切分別悉皆寂滅若於諸蘊如是  
悟入即為悟入一切諸法故名出家所修行  
法菩薩如是修此行時亦不捨離一切眾生  
何以故是菩薩如自所觀為眾生說而亦不  
著法及眾生善男子是為菩薩成就一法速

得阿耨多羅三藐三菩提亦令佛刹具足圓  
滿說此法時摧過各菩薩得無生忍歡喜踊  
躍上昇虛空高七多羅樹於彼眾中二千眾  
生發菩提心一萬四千諸天及人遠塵離垢  
於諸法中得法眼淨於是世尊熙怡微笑從  
其面門放種種色光照無量世界照已還來

遶佛三匝而從頂入是時阿難即從座起整  
理衣服偏袒右肩右膝著地於世尊前而說  
頌曰

自在力導師 到諸法彼岸 一切智人尊  
何緣現微笑 善逝十力尊 能為諸利益  
三世悉明達 何緣現微笑 了眾生心行

上中下差別 知諸想無礙 願佛為宣說  
億那由諸天 咸來頂禮佛 願發微妙音  
充濟諸渴仰 勝定到彼岸 智慧亦復然  
遠離於錯謬 何緣現微笑 百千諸天眾  
為法故來集 無量諸比丘 合掌皆願聞  
奏種種音樂 供養於如來 善哉佛世尊

官八

五

願決眾疑惑  
佛告阿難汝今見此摧過各菩薩昇虛空不  
阿難白言唯然已見佛言善男子此摧過各  
却後過於六萬二千阿僧祇劫於此世界當  
得成佛號寂靜調伏音聲劫名離熱惱彼佛  
刹土功德莊嚴及以聲聞菩薩之眾亦如不

動如來妙喜世界等無差別是時世尊與諸  
比丘到阿闍世王宮已各隨次第敷座而坐  
時王即以種種飲食手自斟酌供養世尊及  
比丘僧悉令充足復以上妙衣服奉獻如來  
即於佛前處卑床坐而白佛言世尊忿恨瞋  
惱從何而生愚癡無智由何而滅佛告大王

忿恨瞋惱我我所生若不能知功德過失及我我所名為無智若如實知彼我我所此即非智非非智也大王當知一切諸行來無所從去無所至若無來去則無生滅若無生滅彼智無智亦復皆無何以故無有少法而能了知生與非生若離能知是為知也時阿闍

世王白佛言世尊希有如來應正等覺如是善說我今寧可聞法中天不願徒生壽命相續今時世尊為阿闍世勸發開曉令歡喜已從座而去詣耆闍崛山洗足已敷座而坐入于三昧是時如來為法施故於晡時從三昧起諸大菩薩及聲聞眾皆從定出於是文

殊師利與四萬二千趣菩薩乘諸天子俱彌勒菩薩與五千菩薩眾俱勇猛雷音菩薩與五百菩薩眾俱如是一切菩薩及諸聲聞并阿闍世王各將眷屬前後圍遶詣如來所頂禮佛足退坐一面時王舍城復有無量百千眾皆共往詣耆闍崛山到如來所頂禮佛

足退坐一面於是舍利弗承佛威神從座而起偏袒右肩右膝著地合掌恭敬而白佛言如來前已於王舍城廛肆之內為摧過咎略說菩薩摩訶薩功德莊嚴清淨佛刹善哉世尊惟願廣說如諸菩薩行不退轉菩提之行息諸煩惱嚴淨佛刹圓滿大願具足修行諸

官八

六

波羅蜜遠離聲聞辟支佛地履踐如來所行之跡降伏眾魔制諸外道具一切智轉妙法輪如是菩薩乃至未得一切種智而能決定利益安樂無量眾生世尊今此會中為求菩提善男子善女人聞是法已歡喜修行于時世尊作是思惟今我所說非但為此現前會眾是故宜應示現神變作是念已放百千億妙色光明一一光明普照十方百千億土彼諸佛土所有日月天龍摩尼電火光明映蔽不現而彼一切大小園山須彌山王及餘諸山叢林樹木為佛光明之所鑒徹無能現影是時如來復現威德馨歎之聲其聲遍聞十

方世界亦時東方去此八十四恒河沙等佛刹有世界名普光明彼現有佛號集吉祥王而彼佛刹無有聲聞辟支佛名唯是菩薩充滿其土一一菩薩各有百億不退菩薩而為眷屬時彼眾中有一菩薩名曰法上以何義故名為法上謂彼菩薩於眾會前聞說法已

上昇虚空高七多羅樹自隱其身說菩薩藏法門名陀羅尼金剛句時彼會眾咸作念言一切諸法但有其聲何以故即如法上菩薩不見身相但聞其聲此聲無體如彼身相既離見聞則為法性說此法時會中無量得忍菩薩遙見彼土法上菩薩又見此刹佛放光

官八

七

明及聞其聲暨乎彼界彼諸菩薩即時共詣集吉祥王如來之所頂禮佛足却住一面法上菩薩白佛言世尊以何因緣而現此瑞未曾有也佛言善男子西方去此過八十四恒河沙等佛刹有世界名娑婆彼現有佛號釋迦牟尼為欲召集十方世界諸菩薩故一切

毛孔放此光明及警欬聲法上菩薩白佛言世尊我今欲往娑婆世界禮觀供養釋迦如來及諸菩薩并欲聽法佛言可往今正是時亦時法上菩薩即作是念今我以何神變往彼禮觀釋迦如來作是念已即入一切莊嚴身三昧由是三昧威神力故令此三千大千世界滿中妙華積至於膝百千音樂同時俱作寶幢幡蓋種種莊嚴復以妙香普熏此界猶如他化自在天宮是時法上菩薩現神變已即與六十三億大菩薩眾前後圍遶譬如壯士屈伸臂頃從彼土沒現此界中到如來所頭面禮足右遶三匝隨所來方以願力故化現蓮華而坐其上

亦時南方去此過九十六億那由他佛刹有世界名離塵彼現有佛號師子勇猛奮迅而為無量大菩薩眾恭敬圍遶於彼眾中有一菩薩名曰寶掌以何義故名為寶掌謂彼菩薩於諸佛土化眾時欲以右手遍捫若干

諸佛世界即隨所欲而能成辦從其手出佛法僧聲施戒忍進禪慧慈悲喜捨之聲出如是等百千億那由他法寶之聲八時寶掌菩薩見大光明聞警效聲詣彼佛所白言世尊以何因緣而有此瑞佛言善男子北方去此過九十六億那由他佛刹有世界名娑婆佛

號釋迦牟尼為欲演說佛刹功德莊嚴法門集諸菩薩令聞此法攝受功德故現斯瑞寶掌菩薩白佛言世尊我等欲往娑婆世界禮觀供養釋迦如來及諸菩薩并欲聽法佛言善男子寧用去為何以故彼娑婆世界具足三毒苦惱衆生之所聚集寶掌菩薩白佛言八

世尊彼釋迦如來應正等覺見何義利捨嚴淨刹現穢土中佛言善男子彼佛如來昔於長夜作如是言願我速得成就大悲常於弊惡衆生之中成等正覺轉妙法輪寶掌菩薩復白佛言世尊彼釋迦如來乃能往昔發是大悲難發之願現於如此惡世界中如是慈

尊甚為難遇我今當往禮觀供養佛言可八今正是時然善男子汝詣彼土應當謹察無自毀傷所以者何生彼世界諸菩薩等雖為難遇其餘衆生心行險詖難可謂伏寶掌白言彼土雖可忿恨怨讎無傷於我假使一切衆生盡未來際瞋恨罵辱乃至刀杖瓦石打

擲悉能受之終不加報八時師子勇猛奮迅如來謂彼一切衆菩薩言諸善男子汝等若能如寶掌者可與俱行說是語時於彼會中有七萬二千菩薩同聲白言我等共往娑婆世界寶掌菩薩即作是念今我以何神變往彼禮觀釋迦如來復能安樂無量衆生作是

念已即以右手覆此三千大千世界兩諸飲食衣服車乘金銀琉璃真珠珂貝珊瑚璧玉隨諸衆生心所希望悉能充滿樂聞法者即令得聞復使無量聞法衆生證得真實亦令無數病苦衆生受勝妙樂是時寶掌菩薩現神變已與諸菩薩於一念頃從彼土沒現此九

界中到如來所頂禮佛足右遶三帀隨所來方以願力故化現蓮華而坐其上

尔時西方去此過七十二億那由他百千佛刹有世界名摩尼藏彼現有佛號摩尼積王其佛刹土清淨琉璃之所成就無有聲聞及辟支佛唯是清淨大菩薩衆去來坐立於琉

璃地咸見如來分明顯現如明鏡中觀其面像是諸菩薩於彼地中見佛卅尊亦復如是見已請法佛便爲說往昔大願彼諸菩薩聞法得忍尔時如來於眉間毫相摩尼寶中放大光明遍照彼刹其中所有日月光明映蔽不現以華開合而爲晝夜於彼刹中有一菩

薩名勝智願遇斯光已便詣佛所白佛言卅尊以何因緣而有此瑞佛言善男子東方去此過七十二億那由他百千佛刹有世界名娑婆佛號釋迦牟尼爲欲召集諸菩薩故而現斯瑞時勝智願聞是語已白佛言卅尊我等欲往娑婆世界禮觀供養釋迦如來及諸

菩薩并欲聽法佛言可往今正是時時勝智願作是念言今我以何神變往彼禮觀釋迦如來作是念已即入三昧令此三千大千世界三惡道苦悉皆消滅得無上樂譬如比丘得諸禪定尔時一切諸天世人及以非人不爲貪恚愚癡諸見我慢忿恨怒害慳嫉憍諂覆藏之所逼惱皆發慈心尔時勝智願菩薩現神變已與四萬二千菩薩於一念頃從彼土沒現此界中到如來所頭面禮足隨所來方以願力故化現蓮華而坐其上

尔時北方去此過六萬三千佛刹有世界名常莊嚴彼現有佛號娑羅起王其佛刹土初未曾聞女人之稱一切皆是蓮華化生袈裟隨體時佛爲彼諸菩薩衆說佛種性印法門何等名爲佛種性印所謂寂初發菩提心從此即爲具菩薩戒入菩薩藏得陀羅尼心無散亂不離於捨證入空性正修無相無所願求性離貪染於蘊界處而能證入所作隨覺

官八

十

樂求佛慧於無生性真實了知證於諸法而無分別具足正見斷於妄念是故名爲佛種性印時彼衆中有一菩薩名相莊嚴星宿聚王本願殊勝若有衆生見其身者必定當得三十二相時彼菩薩遇佛光明及聞其聲便詣佛所頂禮雙足右遶三匝白佛言世尊以

何因緣而有此瑞佛言善男子於此南方過六萬三千佛刹有世界名娑婆佛號釋迦牟尼爲欲召集諸菩薩故而現此瑞彼菩薩言何故名爲娑婆世界佛言彼戒堪忍貪恚愚癡及諸苦惱是故名爲娑婆世界彼菩薩言娑婆世界諸衆生等皆能忍受惡罵捶打諸惱亂耶佛言善男子彼界衆生少能成就若斯功德而多隨順貪恚愚癡怨恨纏縛彼菩薩言若如是者彼界不應名娑婆也佛言相莊嚴星宿聚王彼佛刹土亦有行菩薩乘諸善男子及善女人已曾供養無量諸佛成就忍辱將護衆生善自調伏若有衆生以諸苦

惱而來加害悉能含忍終不放逸貪恚愚癡善男子由有如此諸善丈夫是故彼界名曰娑婆又彼界中亦有衆生具足衆惡少能悔過其心麤猛而無愧耻不敬佛不重法不愛僧當墮地獄畜生餓鬼彼釋迦如來於此下劣衆生之中悉能忍受罵辱嫌恨誹謗惱亂

官八

土

惡言恐憚心如大地不可搖動無所違逆若得供養及以不得心無高下亦無憎愛是故彼界名曰娑婆亦時相莊嚴星宿聚王菩薩白佛言世尊我等今者得大善利不生於彼弊惡下劣衆生之中佛言善男子莫作是說何以故東方有世界名妙莊嚴忍彼現有佛號大自在王其土衆生皆悉具足一向安樂譬如比丘入於滅定彼之安樂亦復如是若有衆生於彼佛土億百千歲修諸梵行不如於此娑婆世界一彈指頃於諸衆生起慈悲心所獲功德尚多於彼何況能於一日一夜住清淨心亦時相莊嚴星宿聚王菩薩白

佛言世尊我等欲往娑婆世界禮觀承事釋迦如來及諸菩薩并欲聽法佛言可往今正是時尔時相莊嚴星宿聚王菩薩即作是念今我以何神通之力往彼禮觀釋迦如來作是念已於虛空中化成寶蓋覆此三千大千世界百千萬億珠纓寶幡周布垂布於其蓋

中兩種種華百千音樂自然而奏復令此會比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等各自見身具三十二相現寶蓋中介時相莊嚴星宿聚王菩薩現神變已與十億菩薩於一念頃從彼土沒現此界中到如來所頂

禮雙足右遶三帀隨所來方以願力故化現蓮華而坐其上如是乃至遍於十方各有無量阿僧祇佛刹中無量阿僧祇百千億菩薩見大光明聞警效聲問彼世尊而來此土頂禮佛足各坐一面亦復如是又此界中釋梵護世大威德天諸龍夜叉乾闥婆阿脩羅迦

樓羅緊那羅摩睺羅伽等皆見光明咸來佛所頂禮雙足却坐一面尔時世尊現神變已十方無量百千億那由他佛刹所有菩薩來集會者皆見此土功德莊嚴并佛身量菩薩聲聞及受用具與自本刹悉皆同等然知彼此刹無雜亂尔時彌勒

官八

士

菩薩即從座起整理衣服偏袒右肩右膝著地合掌向佛而說頌曰

名振十方智無量 放大光明照世間  
一切衆生共度量 莫測人尊勝智慧  
十方無量億菩薩 爲求法故咸來集  
而皆信樂諸法門 願佛演說令歡喜

如來戒定及智慧 名稱普聞十方國  
演法無畏猶師子 光遍虛空如日照  
一切天龍與羅刹 及諸比丘比丘尼  
優婆塞衆優婆夷 合掌樂聞如來說  
過去未來及現在 世尊於彼悉了知  
以勝解力拔群迷 願決疑惑令開曉

云何菩薩智慧行  
嚴淨佛刹令光潔  
云何諸願速成滿  
今請如來為宣說  
云何無慳戒無缺  
能忍罵辱諸難事  
精進修行無懈倦  
解脫無量苦眾生  
專心樂入三昧門  
遊止清淨禪官殿  
處世利益而無染  
譬如蓮華不著水

云何智慧出世間  
開闡甚深微妙法  
降伏一切諸魔眾  
速能具足奢摩他

官

大寶積經卷第五十九

官九

大唐于闐三藏實叉難陀譯

文殊師利授記會第十五之二

尔時世尊告彌勒菩薩摩訶薩言汝今為佛  
嚴辦法座我當昇已說往昔志樂所修諸行  
善巧出生諸佛刹土功德莊嚴趣向真實法

第六百

門尔時彌勒菩薩即作是念今者世尊以何  
義故令我嚴座不使阿難大目連等如何棄  
捨彼諸聲聞將非唯為諸菩薩說或彼聲聞  
及辟支佛於此法門而非器故以是世尊令  
我敷座尔時彌勒菩薩即為如來以神通力  
化作眾寶師子之座高四萬由旬周匝嚴麗

柔熒天衣以敷其上從其座出種種光明照  
此三千大千世界尔時如來昇其座已令此  
世界六種震動

尔時世尊告長老舍利弗菩薩成就四法能  
令所願皆得滿足何等為四一者發勝志樂  
二者於諸眾生起悲愍心三者發起精進四

者承事善知識復次舍利弗菩薩成就一法  
令願不退嚴淨佛刹何謂一法是菩薩應當  
樂學不動如來為菩薩時本所修行立弘誓  
願我當所在生處初生之時若不出家則為  
欺誑十方諸佛如是舍利弗是諸菩薩應隨  
順學若佛出世若不出世一切生處皆悉決